

<https://news.usm.my>

Berita Mutakhir

# 08 MAY

## SUKOKU BERI PELUANG OKU BERIADAH



KUBANG KERIAN, 7 Mei 2015 - Ketidaktepatan fizikal yang dimiliki bukan penghalang untuk Orang Kelainan Upaya (OKU) hidup aktif, bersukan, beriadah dan bergembira bersama masyarakat sekeliling.

Menyedari kepentingan riadah kepada OKU, Bahagian Jaringan Industri Dan Masyarakat (BJIM) Universiti Sains Malaysia (USM) bersama-sama Pusat Pengajian Sains Kesihatan USM dengan kerjasama Jabatan Kebajikan Masyarakat Negeri Kelantan menganjurkan Sukan Orang Kurang Upaya (SUKOKU) 2015.

Program 'Flagship' universiti ini bertujuan membantu OKU lebih sihat dan aktif dengan memberi peluang untuk bersukan berkonsepkan sukaneka yang melibatkan 170 orang peserta termasuk guru pengiring dari 19 buah Pusat Pemulihan Dalam Komuniti (PDK) Kelantan.



Pengarah Projek, Dr. Mohd Zulkifli Abd Rahim berkata, sukaneka ini adalah satu cara membantu OKU meningkatkan hubungan sosial dan meningkatkan kesedaran dalam memperjuangkan hak-hak OKU sekaligus menyedarkan masyarakat untuk lebih cakna dengan memberi peluang kepada mereka dalam menjalani kehidupan seperti manusia sempurna dan mengubahsuaikan cara kita untuk kesejahteraan mereka.

"Kerjasama yang erat antara PPSK, BJIM dan Kebajikan Masyarakat adalah satu jaringan yang diwujudkan untuk terus membantu supaya mereka tidak disisihkan oleh masyarakat," katanya lagi.



Perasmian penutup SUKOKU telah disempurnakan oleh Pengarah Kampus Kesihatan Profesor Dato' Dr. Mafauzy Mohamed. - Teks: Lailatul Hafiza Abdul Rashid/Foto: Wan Ahmad Nizamuddin



Share This

**Pusat Media dan Perhubungan Awam / Media and Public Relations Centre**

Level 1, Building E42, Chancellory II, Universiti Sains Malaysia, 11800 USM, Pulau Pinang Malaysia

Tel : +604-653 3888 | Fax : +604-658 9666 | Email : [pro@usm.my](mailto:pro@usm.my) (<mailto:pro@usm.my>)

Laman Web Rasmi / Official Website : [Universiti Sains Malaysia](http://www.usm.my) (<http://www.usm.my>)

[Client Feedback / Comments](http://web.usm.my/smbp/maklumbalas.asp) (<http://web.usm.my/smbp/maklumbalas.asp>) | USM News Portal. Hakcipta Terpelihara USM 2015